



Fegl d'infurmaziun

Dumonda da survegnir ina permissiun per cas da direzza tenor l'art. 84 al. 5 LEst u tenor l'art. 14 al. 2 LAsil

Las dumondas da survegnir ina permissiun per cas da direzza tenor l'art. 84 al. 5 LEst u tenor l'art. 14 al. 2 LAsil ston adina vegnir inoltradas cun il formular da dumonda (permissiun per persunas estras B1) e cun ina brev accumpagnanta motivada a l'uffizi da migraziun e da dretg civil dal Grischun. Il formular da dumonda po vegnir chargià giu da la pagina d'internet www.afm.gr.ch.

Las suandantas premissas ston esser ademplidas:

Durada da la dimora

Ina persuna po dumandar ina permissiun da dimora, sch'ella viva – dapi l'inoltraziun da la dumonda d'asil – durant almain 5 onns nuninterruttamain en Svizra.

Passaport

In passaport valaivel da la patria u in document da viadi valaivel per persunas estras sto vegnir preschentà en mintga cas.

Integraziun linguistica

Per pudair examinar l'integraziun linguistica da la petenta u dal petent, sto ella u el far in test da tudestg dal nivel A2 tenor ils stgalims da la GER. Il test da tudestg po vegnir fatg tar ina scola da lingua renconuschida. Tests sur l'internet na vegnan betg acceptads.

Integraziun professiunala

L'integraziun professiunala è ademplida lura, sche la persuna petenta ha gì in'actividad da gudogn durant 70 % da tut la dimora u sch'ella ha gì nuninterruttamain ina piazza da lavur durant trais onns.

Documents che ston vegnir inoltrads:

- test da tudestg dal nivel A2 tenor ils stgalims da la GER
- contract da lavur valaivel
- confermas da lavur da tut las patronas e da tut ils patrons fin ussa
- attestats da scola u d'emprendissadi
- confermas da la scola (data e durada)
- extract dal register da scussiun (betg pli vegl che 3 mais)
- extract dal register penal (betg pli vegl che 3 mais)
- rapport detaglià da la media u dal medi (vala er per uffants); quest rapport sto mussar il stadi da sanadad da tut las petentas e da tut ils petents
- passaport valaivel da la patria u document da viadi valaivel per persunas estras (vala per tut las commembras e per tut ils commembers da la famiglia)

Infurmaziuns:

Uffizi da migraziun
e da dretg civil dal Grischun
Karlihof 4
7001 Cuir

Persuna da contact:

Thomas Gansner
tel. 081 257 30 07

Cuir, ils 01 da tudestg 2012